



UNIVERZITET U SARAJEVU
FILOZOFSKI FAKULTET

UNIVERSITY OF SARAJEVO
FACULTY OF PHILOSOPHY

71000 Sarajevo, Franje Račkog br. 1,
Bosna i Hercegovina
Poštanski pretinac br. 347
Telefoni: ++ 387 33 20 36 43; ++ 387 33 20 45 99;
++ 387 33 25 31 00; ++ 387 33 20 35 50
Dekan: ++ 387 33 25 31 11
Sekretar: ++ 387 33 25 32 02
Fax: ++ 387 33 66 78 73
e-mail: dekanat@ff.unsa.ba

Vijeće Fakulteta

Broj: 02-01/420

Sarajevo, 25. 10. 2023. godine

Na osnovu člana 69. Zakona o visokom obrazovanju ("Službene novine Kantona Sarajevo", broj: 36/22.) i člana 111. Statuta Univerziteta u Sarajevu, broj: 01-14-35-1/23 od 26. 7. 2023. godine, i mišljenja sekretara Fakulteta, broj: 03-02/916 od 19. 10. 2023. godine, Vijeće Fakulteta na 7. redovnoj sjednici održanoj 25. 10. 2023. godine, *donijelo je*

ODLUKU

I

Usvaja se **PRAVILNIK O RADU CENTRA ZA NAUČNOISTRAŽIVAČKI RAD I STRUČNE AKTIVNOSTI UNIVERZITETA U SARAJEVU - FILOZOFSKOG FAKULTETA.**

II

PRAVILNIK O RADU CENTRA ZA NAUČNOISTRAŽIVAČKI RAD I STRUČNE AKTIVNOSTI UNIVERZITETA U SARAJEVU - FILOZOFSKOG FAKULTETA iz stava I. ove odluke sastavni je dio ove odluke.

III

Donošenjem PRAVILNIKA iz stava I. ove odluke prestaje da važi PRAVILNIK CENTRA ZA NAUČNOISTRAŽIVAČKI RAD I STRUČNE AKTIVNOSTI – CENTAR NIRSA od 12. 6. 2018. godine I ODLUKA O IZMJENAMA I DOPUNAMA PRAVILNIKA O RADU CENTRA ZA NAUČNOISTRAŽIVAČKI RAD I STRUČNE AKTIVNOSTI, broj: 02-01/116 od 27. 2. 2020. godine.

DEKAN FAKULTETA


Prof. dr. Kenan Šljivo

DOSTAVITI:

1. Centru za naučnoistraživački rad i stručne aktivnosti
2. Uz Pravilnik
3. Arhiva

ŽUNIVERZITET U SARAJEVU - FILOZOFSKI FAKULTET

PRAVILNIK O RADU

**CENTRA ZA NAUČNOSTRAŽIVAČKI RAD
I STRUČNE AKTIVNOSTI**

(CENTAR NIRSA)

Sarajevo, oktobar, 2023. godine

PRAVILNIK O RADU

CENTRA ZA NAUČNOISTRAŽIVAČKI RAD I STRUČNE AKTIVNOSTI UNIVERZITETA U SARAJEVU - FILOZOFSKOG FAKULTETA

SADRŽAJ:

I. OPĆE ODREDBE	1
II. ORGANIZACIJA	4
1. Instituti u okviru centra NIRSA	5
2. Centri u okviru Centra NIRSA	5
3. Laboratoriji u okviru Centra NIRSA	5
III. VODITELJ CENTRA	7
IV. VODITELJI INSTITUTA/ CENTARÂ/ LABORATORIJA	7
V. STRUČNI SARADNIK/VIŠI STRUČNI SARADNIK U CENTRU NIRSA	8
VI. POKRETANJE, PRIJAVLJIVANJE PROJEKATA I FINANSIJSKO STRUKTURIRANJE PROJEKATA (Obrada prijave i dokumentacije projekata)	8
VII. DOKUMENTACIJA (Pohranjivanje i čuvanje dokumentacije).....	9
VIII. SREDSTVA ZA RAD	9
IX. FINANSIRANJE RADA	10
X. POSLOVNA TAJNA	10
XI. PRELAZNE I ZAVRŠNE ODREDBE	10

Na osnovu člana 34. i 69. tačka e) Zakona o visokom obrazovanju („Službene novine Kantona Sarajevo” broj: 36/22.), Zakona o naučnoistraživačkoj djelatnosti Kantona Sarajevo (“Službene novine Kantona Sarajevo” br. 26/16.), člana 111. tačka d) Statuta Univerziteta u Sarajevu, broj: 01-14-35-1/23 od 26. 7. 2023. godine, člana 7. i 8. Pravilnika o organizaciji Fakulteta i sistematizaciji sa opisom poslova radnika Fakulteta, broj: 03-02/396 od 17. 6. 2021. godine, Vijeće Fakulteta na sjednici održanoj 25. 10. 2023. godine, donijelo je

PRAVILNIK O RADU

CENTRA ZA NAUČNOISTRAŽIVAČKI RAD I STRUČNE AKTIVNOSTI UNIVERZITETA U SARAJEVU - FILOZOFSKOG FAKULTETA

I. OPĆE ODREDBE

Član 1.

- (1) Centar za naučnoistraživački rad i stručne aktivnosti Univerziteta u Sarajevu – Filozofskog fakulteta (u daljem tekstu: Centar NIRSA) je podorganizaciona jedinica Univerziteta u Sarajevu – Filozofskog fakulteta (u daljem tekstu: Fakultet), koja objedinjuje rad osnovnih podorganizacionih jedinica Centra koje se osnivaju za naučnoistraživački rad i stručne djelatnosti (instituti, centri i laboratoriji) na Fakultetu i na jedinstven način usmjerava, prati njihov rad, predlaže i provodi mjere za njihov razvoj.
- (2) Centar NIRSA djeluje pod nazivom Univerzitet u Sarajevu – Filozofski fakultet, Centar za naučnoistraživački rad i stručne aktivnosti.
- (3) Skraćeni naziv: Univerzitet u Sarajevu – Filozofski fakultet, Centar NIRSA.
- (4) Sjedište: Franje Račkog 1, Sarajevo.
- (5) Naziv na engleskom jeziku: University of Sarajevo – Faculty of Philosophy, Centre for Scientific Research and Professional Activities.
- (6) Skraćeni naziv na engleskom jeziku: University of Sarajevo – Faculty of Philosophy, NIRSA CENTRE.
- (7) Na dokumente Centra NIRSA stavlja se štambilj UNIVERZITETA U SARAJEVU – FILOZOFSKOG FAKULTETA, Franje Račkog 1, čiji su oblik, veličina i sadržaj u skladu sa Odlukom Upravnog odbora Univerziteta u Sarajevu.
- (8) Centar NIRSA u korespondenciji koristi logo i memorandum UNIVERZITETA U SARAJEVU – FILOZOFSKOG FAKULTETA sa naznakom Centra za naučnoistraživački rad i stručne aktivnosti.

Član 2.

Izrazi koji se koriste u ovom pravilniku, a imaju rodno značenje, koriste se neutralno i odnose jednako na muški i ženski rod.

Član 3.

- (1) S ciljem sistemski vođene naučnoistraživačke i stručne djelatnosti na Fakultetu, kao njegova posebna podorganizaciona jedinica djeluje Centar NIRSA. Centar objedinjuje, organizira, realizira, prati i razvija naučnoistraživački i stručni rad na Fakultetu.
- (2) Rad Centar NIRSA temelji se na Okvirnom zakonu o visokom obrazovanju u Bosni i Hercegovini, Zakonu o visokom obrazovanju Kantona Sarajevo, Zakonu o naučnoistraživačkoj djelatnosti Kantona Sarajevo i Statutu Univerziteta u Sarajevu, te drugim općim aktima Fakulteta/Univerziteta.
- (3) Svoju djelatnost Centar NIRSA obavlja u saradnji s drugim podorganizacionim jedinicama Fakulteta, kao i u saradnji s drugim zainteresiranim pravnim i fizičkim licima.
- (4) Unutrašnju organizaciju Centra NIRSA čine njegove osnovne podorganizacione jedinice: naučnoistraživački instituti, centri, laboratoriji, te Znanstveno-istraživački inkubator (ZINK), kao i druge podorganizacione jedinice namijenjene naučnoistraživačkom, odnosno stručnom radu iz

naučnih oblasti i djelatnosti za koje je Fakultet matičan. Podorganizacione jedinice Centra NIRSA osnivaju se na način utvrđen u Zakonu o visokom obrazovanju, odnosno po proceduri propisanoj za osnivanje odsjeka.

- (5) U skladu sa potrebama nastavnog, istraživačkog i naučnog procesa na Fakultetu instituti, naučni, stručni i edukacijski centri mogu povezivati određene oblasti ili podoblasti, koje obuhvataju više katedri, odsjekâ, centarâ, disciplina ili oblasti istog ili sličnog studijskog, akademskog ili naučnoistraživačkog usmjerenja. U određenim slučajevima mogu se povezati i različita studijska, akademska ili naučnoistraživačka usmjerenja na principima interdisciplinarnosti i multidisciplinarnosti.

Član 4.

- (1) Centar NIRSA u elektronskim medijima ima svoju web stranicu zakupljenu na ekonomski prihvatljivom hostingu.
- (2) Centar NIRSA na svojoj internetnoj stranici koristi naziv Univerzitet u Sarajevu – Filozofski fakultet, Centar za naučnoistraživački rad i stručne aktivnosti (Centar NIRSA) i logo Univerziteta u Sarajevu - Filozofskog fakulteta.
- (3) Centar NIRSA dizajnira cjelokupnu stranicu s elementima koji motiviraju pozitivan odnos prema naučnom, istraživačkom i stručnom radu korisnika stranice i pretraživača.
- (4) Za potrebe Centra NIRSA kreirane su dvije elektronske adrese na web stranici: nirsa@centarnirsa.ba i voditelj@centarnirsa.ba.

Član 5.

- (1) Centar NIRSA ne nastupa samostalno u pravnom i finansijskom prometu, nego u sastavu Univerziteta u Sarajevu – Filozofskog fakulteta.
- (2) Sva sredstva iz sponzorskih ugovora, donacija i usluga koje ostvaruju organizacijske jedinice u sklopu Centra NIRSA vode se preko računa Univerziteta u Sarajevu – Filozofskog fakulteta.
- (3) Sredstva dobivena iz naučnih i istraživačkih projekata raspoređuju se na osnovu projektne dokumentacije i specifikacije sredstava po odobrenom projektu. Sredstva dobivena iz sponzorskih ugovora i donacija i sredstva dobivena iz komercijalnih usluga putem edukacijskih centara, raspoređuju se prema aktima Univerziteta u Sarajevu - Filozofskog fakulteta, te drugim aktima koji uređuju navedenu materiju i u skladu sa zakonom.

Član 6.

Dokumenta koja se upućuju iz Centra NIRSA potpisuje voditelj Centra i/ili prodekan za naučnoistraživački rad i međunarodnu akademsku saradnju i izdavaštvo, odnosno dekan Fakulteta.

II. OGRANIZACIJA CENTRA NIRSA

Član 7.

- (1) U skladu sa Zakonom o naučnoistraživačkoj djelatnosti i Zakonom o visokom obrazovanju Kantona Sarajevo na Fakultetu se organiziraju instituti/centri/laboratorije kao posebne podorganizacione jedinice s ciljem unapređenja nastavnog, naučnoistraživačkog i stručnog rada u okviru djelatnosti Fakulteta u oblastima za koje je matičan, na principima interdisciplinarnosti i multidisciplinarnosti.
- (2) Centar NIRSA je organiziran tako da u realizaciji naučnoistraživačkog i stručnog rada kroz nacionalne i međunarodne projekte, projekte lokalnih zajednica i druge projekte može realizirati istraživanja na polju humanističkih ili društvenih nauka.
- (3) Za obavljanje djelatnosti iz stava (1) ovog člana u Centru NIRSA formiraju se naučnoistraživački instituti/centri/laboratoriji.
- (4) Dekan Fakulteta imenuje voditelje institutâ/centarâ/laboratorijâ koje potvrđuje Vijeće fakulteta.

- (5) Informatičku i stručnu podršku radu Centra NIRSA daju uposlenici stručnih službi Fakulteta i Biblioteke Fakulteta, a isto se ogleda u obavljanju bibliotečkoinformatičkih poslova, informatičke komunikacije i administrativnostručnih poslova.

1. Instituti u okviru Centra NIRSA

Član 8.

- (1) S ciljem organiziranja, realiziranja, praćenja i razvijanja naučnoistraživačkog, nastavno-naučnog i stručnog rada iz matičnih naučnih oblasti i djelatnosti Fakulteta, u okviru Centra kao njegove osnovne podorganizacione jedinice djeluju: naučnoistraživački instituti:
- a) Institut za teorijska, analitička i primijenjena istraživanja u društvenim i humanističkim disciplinama;
 - b) Institut za arheologiju;
 - c) Institut za književnost i kulturološke studije.
- (2) U okviru Centra, kao sastavnice njegove unutrašnje podorganizacione jedinice, mogu djelovati i drugi naučnoistraživački instituti.

1. Centri u okviru Centra NIRSA

Član 9.

- (1) S ciljem organiziranja, realiziranja, praćenja i razvijanja stručnih aktivnosti te pružanja stručnih usluga iz matičnih naučnih oblasti i djelatnosti Fakulteta zainteresiranim pravnim i fizičkim licima u okviru Centra kao njegove jedinice djeluju centri:
- a) Centar za bosanski, hrvatski i srpski jezik;
 - b) Centar za strane jezike;
 - c) Centar za permanentno usavršavanje i cjeloživotno učenje;
 - d) Centar za psihološka istraživanja, edukaciju i savjetovanje;
 - e) Centar za historijska istraživanja (CEHIS);
 - f) Centar za iranističke studije;
 - g) Centar za mirovno obrazovanje;
 - h) Znanstveno istraživački inkubator (ZINK).
- (2) U okviru Centra, kao sastavnice njegove unutrašnje podorganizacione jedinice, mogu djelovati i drugi stručni centri.

2. Laboratoriji u okviru Centra NIRSA

Član 10.

- (1) Za potrebe izvođenja nastavno-naučnog i nastavno-istraživačkog procesa u okviru Centra za naučnoistraživački rad i stručne aktivnosti organiziraju se kao jedinice Centra:
- a) Multimedijalni laboratorij;
 - b) Jezički laboratorij;
 - c) Laboratorij za pedagogiju;
 - d) Laboratorij za psihologiju;
 - e) Laboratorij za informacijske i bibliotečke nauke;
 - f) Laboratorij za arheološki praktikum.

- (2) Laboratoriji iz stava 1. ovog člana omogućuju izvođenje nastavno-naučnog procesa na pojedinim odsjecima/katedrama Fakulteta kao i naučnoistraživački rad instituta koji djeluju u okviru Centra za naučnoistraživački rad i stručne aktivnosti Fakulteta.

Član 11.

- (1) Univerzitet u Sarajevu – Filozofski fakultet putem Centra NIRSA obavlja temeljna i aplikativna istraživanja, te vodi računa o razvoju i djelovanju Filozofskog fakulteta i njegovih podorganizacionih jedinica u okviru razvojno-istraživačkih programa Bosne i Hercegovine.
- (2) Univerzitet u Sarajevu - Filozofski fakultet uključuje se putem Centra NIRSA u međunarodnu naučnu saradnju u svijetu sa naučnoistraživačkim institucijama i organizacijama koje imaju srodne programe i djelatnosti.
- (3) Za ukupni rad Centra NIRSA odgovoran je dekan Univerziteta u Sarajevu – Filozofskog fakulteta.

Član 12.

- (1) U okviru Centra NIRSA, unutar kojeg djeluju instituti/centri/laboratorije, razmatraju se procesi rada i aktivnosti Centra NIRSA, s područja naučnog i stručnog rada Centra i daje mišljenje i poticaj u pitanjima organizacije i uvjeta za razvoj djelatnosti.
- (2) Centar svojim radom daje podršku naučnoistraživačkom i stručnom radu voditelja Centra NIRSA, brine za programsku usmjerenja djelatnosti kojima se bavi Centar NIRSA, razmatra i predlaže istraživački program i druge programske ciljeve s područja humanističkih i društvenih znanosti.
- (3) U radu Centra NIRSA iz stava (1) ovog člana u iniciranju, predlaganju i odlučivanju ravnopravno učestvuju voditelji Centra NIRSA, voditelji instituta/centarâ/laboratorijâ, dekan, prodekani Fakulteta i stručni/viši stručni saradnici Centra NIRSA.
- (4) Osim poslova iz stava (1) ovog člana, u okviru Centra NIRSA realizira se donošenje godišnjeg programa rada i izvještaja o radu Centra NIRSA, utvrđuje se prijedlog godišnjeg finansijskog plana i programa rada, na zahtjev dekana i Vijeća Filozofskog fakulteta, daje se prijedlog, mišljenja i ocjene o svim stručnim pitanjima naučnog, istraživačkog i stručnog rada na području humanističkih i društvenih nauka.

Član 13.

- (1) O pitanjima iz člana 12. ovog pravilnika odlučuje se na sjednicama Centra NIRSA, koje saziva i kojima predsjedava voditelj Centra NIRSA.
- (2) Sjednice iz stava (1) ovog člana mogu biti redovne, vanredne i elektronske.
- (3) Sjednicama Centra NIRSA prisustvuje i sekretar Fakulteta bez prava odlučivanja.
- (4) Sjednice se održavaju po pozivu voditelja Centra NIRSA ili na inicijativu bilo kojeg voditelja instituta/centra/laboratorija, dekana i prodekana.
- (5) Voditelj Centra utvrđuje prijedlog i predlaže dnevni red, priprema materijale za sjednice sa stručnim saradnicima/višim stručnim saradnicima.
- (6) Poziv za sjednicu dostavlja se u pisanom obliku, e-poštom najkasnije tri dana prije održavanja sjednice, ukoliko se ne saziva vanredna sjednica (poziv za vanrednu sjednicu s pratećim materijalima dostavlja se najkasnije dan (24 sata) prije održavanja sjednice).
- (7) Lica navedena u članu 12. stav (3) ovog pravilnika mogu i na samoj sjednici predložiti stavljanje određenog pitanja na dnevni red, o čemu se glasanjem odlučuje da li će predloženo pitanje biti uvršteno u dnevni red.
- (8) Glasanje na sjednicama je javno i provodi se poimeničnim izjašnjavanjem ZA ili PROTIV prijedloga.
- (9) Odluke se donose većinom glasova svih članova Centra NIRSA.
- (10) Nakon sjednice, voditelj Centra NIRSA oblikuje prijedlog zaključaka, stavova ili mišljenja i ista dostavlja nadležnim tijelima Fakulteta u dalju proceduru.
- (11) O sjednicama se vodi zapisnik koji sadrži vrijeme, mjesto, dnevni red, navode diskutantata, rezultate glasanja, usvojene zaključke, stavove ili mišljenja, kao i ostale važne događaje na sjednicama.
- (12) Zapisnik iz stava (11) ovog člana vodi stručni saradnik/viši stručni saradnik.

III. VODITELJ CENTRA NIRSA

Član 14.

- (1) Voditelj Centra NIRSA organizira rad u Centru, koordinira aktivnosti unutar Centra, predstavlja Centar NIRSA i odgovara za izvršavanje poslova uposlenika u Centru, poslova na obradi projektne dokumentacije i informiranja istraživača.
- (2) Voditelj Centra NIRSA je uposlenik Univerziteta u Sarajevu – Filozofskog fakulteta iz reda nastavnika, koji ima iskustva u naučnom i istraživačkom radu, u nacionalnim i internacionalnim programima.
- (3) Voditelja Centra NIRSA bira Vijeće Univerziteta u Sarajevu – Filozofskog fakulteta, na prijedlog dekana Fakulteta.
- (4) Mandat voditelja Centra NIRSA prati mandat dekana Fakulteta.
- (5) Za neposredni rad Centra NIRSA, voditelj Centra NIRSA odgovara dekane Fakulteta, odnosno prodekanu za naučnoistraživački rad, međunarodnu akademsku saradnju i izdavaštvo.
- (6) Za voditelja Centra NIRSA može biti imenovan uposlenik Univerziteta u Sarajevu – Filozofskog fakulteta, koji ispunjava sljedeće uvjete:
 - a) ima izbor u zvanju redovnog, vanrednog profesora ili docenta,
 - b) ima sposobnost za organiziranje i vođenje istraživačkog rada,
 - c) sudjelovao je u nacionalnim i internacionalnim istraživačkim projektima.

Član 15.

- (1) Voditelj Centra NIRSA:
 - a) organizira, vodi i usklađuje naučnoistraživački, obrazovni i stručni rad te poslovanje Centra NIRSA;
 - b) u skladu sa svojim ovlaštenjima brine za zakonitost rada u Centru NIRSA;
 - c) predlaže temeljne razvojne i poslovne politike Centra NIRSA;
 - d) predlaže formiranje ili ukidanje organizacionih jedinica u okviru Centra NIRSA;
 - e) predlaže godišnji i četverogodišnji izvještaj o izvođenju programa Centra NIRSA, kao i izvještaj o radu;
 - f) saziva i vodi sjednice Centra NIRSA;
 - g) najmanje jednom godišnje izvještava dekana Fakulteta o radu Centra NIRSA;
 - h) predlaže imenovanje voditelja podorganizacionih jedinica Centra NIRSA i članove radnih grupa za pojedinačna područja, te komisija i drugih radnih tijela Centra;
 - i) priprema izvještaj o radu Fakulteta i dekana Fakulteta zajedno sa Bibliotekom i stručnim službama Fakulteta na godišnjem nivou;
 - j) odgovoran je za praćenje, utvrđivanje i osiguranje kvaliteta rada Centra NIRSA, naučnoistraživačkog i stručnog rada kao i za godišnju evaluaciju toga rada;
 - k) usko saraduje s prodekanima i sekretarom Fakulteta iz djelokruga svog rada;
 - l) vrši i druge poslove u skladu sa Zakonom o naučnoistraživačkom radu, Zakonom o visokom obrazovanju, Statutom Univerziteta i Pravilnikom o radu Centra NIRSA;
- (2) Voditelj Centra NIRSA ima pravo da sudjeluje u projektima kao voditelj projekta ili kao istraživač na projektu.

IV. VODITELJI INSTITUTA/CENTARÂ/LABORATORIJA

Član 16.

- (1) Voditelji/ institutâ/ centarâ /laboratorijâ obavljaju poslove iz nadležnosti institutâ/ centarâ/ laboratorijâ:
 - a) izrađuje plan i program rada instituta/centra/laboratorije;
 - b) organizira rad instituta/centra/laboratorije;
 - c) predlaže saradnju i suraduje sa drugim institutima/centrima/laboratorijama u cilju obavljanja poslova iz nadležnosti;
 - d) predlaže objavljivanje radova članova instituta/centra/laboratorije;

- e) vodi brigu o finansijskim, materijalnim i drugim pitanjima vezanim za rad instituta/centra/laboratorije;
 - f) obavlja i druge poslove u skladu sa Zakonom, Statutom Univerziteta u Sarajevu i Pravilnikom o radu Centra NIRSA.
- (2) Za svoj rad voditelj instituta/centra/laboratorije odgovoran je voditelju Centra NIRSA, rukovodiocu organizacione jedinice - dekanu Fakulteta i Vijeću Fakulteta.

Uvjeti za izbor: akademsko osoblje iz reda redovnih, vanrednih profesora i docenata.

V. STRUČNI SARADNIK/VIŠI STRUČNI SARADNIK U CENTRU NIRSA

Član 17.

- (1) Stručnu i administrativnu pomoć u radu Centra NIRSA pružaju stručni saradnici/viši stručni saradnici birani u istraživačka zvanja.
- (2) Izbor u istraživačka zvanja u Centru NIRSA provodi se u skladu sa Zakonom o naučnoistraživačkoj djelatnosti Kantona Sarajevo.
- (3) Opis poslova i uslovi radnog mjesta stručnih saradnika su definisani Pravilnikom o organizaciji i sistematizaciji radnih mjesta na Univerzitetu u Sarajevu - Filozofskom fakultetu Univerziteta u Sarajevu i Odlukom o izmjeni i dopuni Pravilnika o organizaciji i sistematizaciji radnih mjesta na Univerzitetu u Sarajevu - Filozofskom fakultetu.
- (4) Ukoliko se ukaže potreba za angažmanom stručnih saradnika iz Centra NIRSA za realizaciju nastavno-naučnog procesa, ekvivalencija zvanja provest će se u skladu sa odredbama Zakona o naučnoistraživačkoj djelatnosti Kantona Sarajevo.
- (5) Za vrijeme angažmana, odnosno, sudjelovanja u realizaciji nastavnog procesa, naučnoistraživačko osoblje ne stiče akademsko zvanje.

VI. POKRETANJE, PRIJAVLJIVANJE PROJEKATA I FINANSIJSKO STRUKTURIRANJE PROJEKATA (Obrada prijave i dokumentacije projekata)

Član 18.

- (1) Centar NIRSA preko svojih instituta/centara/laboratorija sudjeluje u naučnim i stručnim projektima.
- (2) Za sastavljanje idejnog prijedloga, odabir istraživača i metodologije, voditelj Centra NIRSA uz pomoć voditelja podorganizacionih jedinica Centra NIRSA, sastavlja projektni tim koji priprema sadržaj projektnog materijala.
- (3) U finansijskom planu projekata Centra NIRSA obavezno se planiraju troškovi Univerziteta u Sarajevu - Filozofskog fakulteta u skladu s važećim zakonskim aktima.
- (4) Naučnoistraživački projekti koji se prijavljuju preko Filozofskog fakulteta i za čije izvođenje se koriste materijalni resursi Filozofskog fakulteta i stručna podrška Centra NIRSA, uračunavaju u svoj finansijski plan administrativne, stručne i troškove za potrebne usluge Fakulteta u skladu sa budžetom prijavljenog projekta.
- (5) Sredstva ostvarena radom Centra NIRSA raspoređuju se u skladu sa važećim zakonskim aktima i propisima Fakulteta.

Član 19.

- (1) Projekti koji se prijavljuju preko Univerziteta u Sarajevu - Filozofskog fakulteta dostavljaju se Centru NIRSA i prodekanu za naučnoistraživački rad, međunarodnu akademsku saradnju i izdavaštvo, putem protokola fakulteta najkasnije 7 dana prije isteka datuma određenog javnim pozivom ili konkursom za dostavljanje prijave.
- (2) O zaprimljenoj projektnoj prijavi i projektnoj dokumentaciji iz stava (1) evidenciju vodi stručni saradnik/viši stručni saradnik Centra NIRSA.

- (3) Voditelj Centra NIRSA, prodekan za naučnoistraživački rad, međunarodnu akademsku saradnju i izdavaštvo i stručni saradnik/viši stručni saradnik na temelju uvida u dostavljenu prijavu utvrđuju da li je prijava s dokumentacijom kompletna.
- (4) U slučaju formalnih nedostataka prijave ili dokumentacije, stručni saradnik/viši stručni saradnik obavještava voditelja projektnog tima o potrebi otklanjanja uočenih nedostataka.
- (5) Listu prijavljenih projekata za svaki javni poziv i konkurs pravi stručni saradnik/viši stručni saradnik Centra NIRSA i dostavlja je voditelju Centra NIRSA i prodekanu za naučnoistraživački rad i međunarodnu akademsku saradnju i izdavaštvo.
- (6) Nakon pregleda prijava i projektne dokumentacije, prodekan za naučnoistraživački rad, međunarodnu akademsku saradnju i izdavaštvo dostavlja projektну dokumentaciju na potpis i ovjeru Dekanu, ili u odsustvu Dekana nadležnom prodekanu.
- (7) O rezultatima konkursa stručni saradnik/viši stručni saradnik Centra NIRSA obavještava voditelja projekta, voditelja Centra NIRSA, dekana Fakulteta, odnosno resornog prodekana za naučnoistraživački rad, međunarodnu akademsku saradnju i izdavaštvo.
- (8) Kompletna dokumentacija o prijavljenim projektima arhivira se u Centru NIRSA u printanom i elektronskom obliku.

Član 20.

- (1) Projekti koje iniciraju individualni istraživači Fakulteta se prijavljuju Centru NIRSA putem protokola Univerziteta u Sarajevu – Filozofskog fakulteta.
- (2) Nakon što projektна prijava i dokumentacija iz stava (1) ovog člana bude usvojena na sjednici Centra NIRSA, ista se u formi prijedloga dostavlja nadležnim tijelima Fakulteta u dalju proceduru.

VII. DOKUMENTACIJA (Pohranjivanje i čuvanje dokumentacije)

Član 21.

- (1) Administrativni dokumenti pohranjuju se u printanom i e-obliku i čuvaju u prostoru Centra NIRSA, te u jednom primjerku u arhivi Fakulteta.
- (2) Administrativni dokumenti iz stava (1) ovog člana mogu se iznositi iz prostora Centra NIRSA po odobrenju voditelja Centra NIRSA (za internu upotrebu).
- (3) Dokumentacija nastala u radu Centra NIRSA čuva se i arhivira u skladu s važećim Pravilnikom o kancelarijskom i arhivskom poslovanju.
- (4) Administrativni i drugi dokumenti koji se nalaze u Centru NIRSA u e-obliku, jesu:
 - a) elektronska prepiska,
 - b) elektronska projektна dokumentacija,
 - c) elektronski programi (razvojni i istraživački).
- (5) Administrativnu dokumentaciju, projekte, dopise i akte koji se šalju s Univerziteta u Sarajevu - Filozofskog fakulteta ispred Centra NIRSA potpisuju dekan Univerziteta u Sarajevu – Filozofskog fakulteta i/ili voditelj Centra NIRSA i isti se ovjeravaju pečatom/štambiljom Univerziteta u Sarajevu – Filozofskog fakulteta.
- (6) U odsustvu dekana Filozofskog fakulteta ove dokumente potpisuje prodekan za naučnoistraživački rad i međunarodnu akademsku saradnju i izdavaštvo.

VIII. SREDSTVA ZA RAD

Član 22.

- (1) Sredstva za rad Centra planiraju se u okviru Budžeta, za svaku godinu.
- (2) Sredstva za rad iz stava (1) ovog člana ne iskazuju se kao posebna stavka, već su uključena u zbirni iznos planiranog Budžeta.
- (3) Sredstva za rad kojima raspolaže Centar NIRSA mogu se obezbijediti na sljedeće načine:
 - a) iz sredstava budžeta Kantona Sarajevo,
 - b) ulaganjem sredstava Univerziteta u Sarajevu – Filozofskog fakulteta,

- c) iz komercijalnih sredstava Centra NIRSA,
- d) iz sredstava donacije,
- e) iz sponzorskih ugovora,
- f) iz sredstava dobivenih kroz projekte.

IX. FINANSIRANJE RADA

Član 23.

Centar NIRSA može sticati sredstva za rad iz sljedećih izvora:

- a) sredstva koja ulaže Univerzitet u Sarajevu – Filozofski fakultet, ulaganjem u opremu i infrastrukturu,
- b) sredstva koja Centar NIRSA dobije prijavom na javni poziv ili konkurs za opremanje i pomoć u naučnoistraživačkom radu,
- c) sredstva iz ugovora o partnerstvu,
- d) sredstva iz sponzorskih ugovora,
- e) sredstva iz donatorskih ugovora,
- f) sredstva iz naučnoistraživačkih projekata,
- g) sredstva iz komercijalne djelatnosti edukacijskih centara.

X. POSLOVNA TAJNA

Član 24.

U poslovnu tajnu Centra NIRSA spadaju podaci i dokumenti:

- a) koje kao povjerljive Centru NIRSA dostavi nadležni organ i drugi pravni ili fizički subjekt,
- b) koji sadrže ponude za poziv ili javni konkurs koji objavljuje Filozofski fakultet do trenutka objavljivanja rezultata;
- c) koje kao poslovnu tajnu odredi voditelj Centra NIRSA.

Član 25.

Saznanja o dokumentima, podacima, tehničkom kapacitetu i opremi, planovima razvoja i aktivnostima koje su određene kao poslovna tajna moraju čuvati svi uposlenici Centra NIRSA, voditelji i članovi naučnoistraživačkih skupina - instituti, centri, laboratoriji, te Dekanat i Biblioteka Fakulteta, bez obzira na način na koji su do tih saznanja došli, i nakon prestanka angažiranja u centru NIRSA ili na Univerzitetu u Sarajevu – Filozofskom fakultetu.

XI. PRELAZNE I ZAVRŠNE ODREDBE

Član 26.

- (1) Sve naučnoistraživačke aktivnosti, rad na projektima, centri, stručne aktivnosti, i drugi oblici organizovanog naučnog rada, istraživanja i stručnih aktivnosti na Univerzitetu u Sarajevu – Filozofskom fakultetu, koji su formirani prije dana donošenja ovog Pravilnika, nastavljaju rad u okviru Centra NIRSA.
- (2) Svi aktuelni projekti instituta, centara, laboratorija, i drugih oblika organizovanog naučnog rada, istraživanja i stručnih aktivnosti na Univerzitetu u Sarajevu – Filozofskom fakultetu, koji su započeti prije donošenja ovog Pravilnika, nastavljaju se realizirati na način kako su započeti.
- (3) Ovaj Pravilnik donosi i usvaja Vijeće Fakulteta.
- (4) Izmjene i dopune Pravilnika donose se na način na koji je i donesen Pravilnik Centra za naučnoistraživački rad i stručne aktivnosti.
- (5) Tumačenje odredbi ovog Pravilnika daje Vijeće Fakulteta.
- (6) Ovaj Pravilnik stupa na snagu osmog dana od dana objavljivanja.

Član 27.

Stupanjem na snagu ovog pravilnika prestaju da važe odredbe Pravilnika Centra za naučnoistraživački rad i stručne aktivnosti - Centar NIRSA od 12. 6. 2018. godine i Odluka o izmjenama i dopunama Pravilnika o radu Centra za naučnoistraživački rad i stručne aktivnosti Fakulteta, broj: 02-01/116 od 27. 2. 2020. godine.

PREDSJEDNIK VIJEĆA
UNIVERZITETA U SARAJEVU - FILOZOFSKOG FAKULTETA


Prof. dr. Kenan Šljivo

Broj: 02-01/420-1
Sarajevo, 25. 10. 2023. godine